

կան իրադարձությունների կայրևոր կենտրոնի: Այս շրջանը, որի բնակիչները արաբ հեղինակների վկայությամբ հիմնականում քրդեր էին, գտնվում էր էրբիլի և Համադանի միջև³⁰: IX—X դդ. Շահրիզուրի քրդերն այնքան էին հզորացել, որ համարյա չէին ենթարկվում կենտրոնական իշխանությանը: Աբու Դուլաֆը նշում է, որ Շահրիզուրում «ալ-Ջալալիյա», «ալ-Յաբսան», «ալ-Հիքմիյա», «աս-Սուվլիյա» քրդական ցեղերից ձմեռում էին 60 հազար ընտանիքներ, որոնք ունեին նաև «երկրագործական դաշտավայրեր»³¹: Նույն Աբու Դուլաֆի վկայությամբ Շահրիզուրի գլխավոր քաղաքն էր Նիմ Ազրայը, որի բնակիչները չէին ենթարկվում խալիֆին³²:

Համադանից Ջենջան տանող ճանապարհի վրա էր գտնվում Սուհրավարդ քաղաքը: Իբն Հաուկալը գրում է, որ այս քաղաքը նման էր Շահրիզուրին և գտնվում էր հիմնականում քրդերի տիրապետության տակ: Նրա բնակիչները խարիջիներ էին³³: Աշխարհագիրն այնուհետև ավելացնում է, որ Շահրիզուրից դեպի Ամիր, Ատրպատական, Ջազիրա և Մոսուլ ձգվում են բարձրաբերձ լեռներ: Այս տարածքներում բնակվում են «ալ-Հումալիյա» (ալ-Համիդիյա), «ալ-Ավնյա (կամ ալ-Լավիյա), «ալ-Միհրանիյա» և քրդական այլ ցեղեր³⁴: Շահրիզուրի քրդական ռազմատեսչ ցեղերից էր «ալ-Ջալալիյան», որը հաճախ հայտնվում էր Շահրիզուրի սահմաններից դուրս և քրդական աշ-Շամարիյա ցեղի հետ միասին IX դ. երկրորդ կեսին մասնակցեց Մոսուլի մարզի խարիջիների շարժմանը³⁵:

Շահրիզուրում, ինչպես և ողջ Ջիրբալում քրդական ցեղերի տեղաշարժերը բավական աշխույժ էին: Իրանը հիմնականում կապված էին անասնապահական տնտեսության վարման հետ:

Կարմասինի, Շահրիզուրի, Դինավարի, Նեհավանդի և Ջիրբալին հարակից Ատրպատականի առանձին շրջաններում X դ. մեզ հայտնի քրդական ցեղերից էին «ալ-Բարդիսիյան» (ալ-Բարդիկան), «ալ-Այլանիյան», «աշ-Շադանջանը», «ալ-Կավհիյան» և այլն³⁶: X դ. առաջին կեսին վերը նշած վայրերում այս ցեղերի տիրապետությանը ենթարկվեցին առանձին շրջաններ³⁷: Իբն Հաուկալի վկայությամբ X դ. քրդերն իրենց ազդեցությունը տարածեցին նաև Կադիսինի և Ջենջանի միջև ընկած Աբհար քաղաքի ու նրա ենթակա շրջանների վրա³⁸:

Այսպիսով, Ջիրբալում քրդական ցեղերը մեծ թիվ էին կազմում և նրանց գործողությունների արդյունքը եղավ X դ. երկրորդ կեսից Հասանվայճների իշխանության (960-ական թթ.—1015 թթ.) հիմնադրումը³⁹:

Արաբական արշավանքներից սկսած մինչև X դ. քրդերը հաճախ հիշատակվում են իրանական նաև այլ նահանգներում: Այսպես, օրինակ, Խուզիս-

րոնով: (Al-Istakhri, Viae Regnorum, —(BGA), ed. M. S. De Goeje, Lugdunt Batavorum Apud E. J. Brill, 1870, p. 195, Ibn Haukal, նշվ. աշխ., էջ 225):

³⁰ . ۳۷۶-۳۷۵ ص ' ۳ . ج ' معجم ' یاقوت

³¹ «Вторая записка Абу Дулафа», с. 18.

³² Նույն տեղում:

³³ Ibn Haukal, նշվ. աշխ., էջ 263:

³⁴ Նույն տեղում, էջ 265:

³⁵ ابن الاثير ' الكامل ' ج ۶ . ص ۳۵-۳۶ ' ابن خلدون ' كتاب العبر ' ج ۳ . ص ۳۲۹ .

³⁶ ابن الاثير ' الكامل ' ج ۷ . ص ۱۰۱ ' ۳۰۸-۳۰۷ .

³⁷ Նույն տեղում:

³⁸ Ibn Haukal, նշվ. աշխ., էջ 258:

³⁹ Այդ մասին տե՛ս, Cl. Cahen, Hasanwayh (The Encyclopaedia of Islam), v. III, London, 1966, pp. 258—259.